

PAUL Z. BEDOUKIAN, *Coinage of the Armenian kingdoms of Sophene and Commagene, the American Numismatic Society. Museum Notes 28 (1983). pp. 71—87+2pl (№№ 11—12).*

Դոկտոր Զարեհ Պտուկյանը հրատարակել է Մոփքի և Կոմմագենեի հայկական դրամներին վերաբերող իր հետազոտությունների արդյունքները: Աշխատանքները կատարվել են եվրոպական և ամերիկյան թանգարաններում, ինչպես նաև առանձին հնասերների մոտ պահ-

վող, հելլենիստական սլատկերագրությամբ դրամների հիման վրա: Ներկայացված են հետևյալ հաստատությունների ու անհատների կողմից հավաքված, Մոփքի և Կոմմագենեի հայկական թագավորություններին պատկանող դրամները:

№	Հավաքածուներ	Դրամների ծագումը և քանակը (հատերով)	
		Մոփք	Կոմմագենե
1.	Ազգային Մատենադարան (Փարիզ)	11	4
2.	Ամերիկյան դրամագիտական ընկերություն (Նյու Յորք)	3	3
3.	Բրիտանական թանգարան (Լոնդոն)	9	3
4.	Գեվրիկյան ժողովածու (Նյու Յորք)	3	—
5.	Հունտերյան թանգարան (Գլազգո)	1	1
6.	Միսթարյան թանգարան (Վիեննա)	5	—
7.	Պատմության թանգարան (Բեռլին)	6	1
8.	Զարեհ Պտուկյան ժողովածու (Նյու Յորք)	4	15
9.	Պետական էրմիտաժ (Լենինգրադ)	3	—
Ընդամենը՝		55	27

Աշխատությունը բաղկացած է հետևյալ բաժիններից. ներածություն, Մոփքի ու Կոմմագենեի հայոց թագավորության պատմական ակնարկ, զահակյանների յուրաքանչյուրին վերաբերող ժամանակագրական տվյալներ, թողարկված դրամների դասակարգում, ինչպես նաև պատկերատախտակներ, որոնցով ներկայացված են №№ 1—27 դրամների երկկողմանի լուսանկարները բնական մեծությամբ:

Մոփքի հայոց դրամների թողարկումն սկսվել է Սամեսի դրամներով (մ. թ. ա. մոտ 260 թ.), ինչպես որոշել է հեղինակը: Ելնելով հին Հայաստանի քաղաքական պատմության ժամանակագրությունից, Զ. Պտուկյանը բացահայտում է, որ մ. թ. ա. III դարում Կոմմագենե եղել է Մոփքի թագավորության կաղմում ու շէր կարող ու-

նենալ իր առանձին դրամները, մի իրողություն, որ զանց է առնված դրամագիտության դասական երկերում: Հետևաբար մ. թ. ա. III դարի կոմմագենյան կոչված դրամները փաստորեն Մոփքի հայոց թագավորության դրամներն են և ուրեմն հարկ է շտկել Վիկտոր Լանգլուայի, ինչպես նաև Լուսետ Բաբելոնի՝ անցյալներում ընդունած դասակարգումը: Արդարև, Զ. Պտուկյանի լուսաբանությունը գնահատելի է իբրև որոշակի ներդրում հին հայկական դրամների այդ խմբի դասակարգման գործում: Սամեսը դրամների վրա պատկերված է վեղարածն գլխարկով, հար և նման աքեմենյան սատրապների կրած գլխարկներին, ականջակալով ու վղկալով, իսկ ճակատային մասում ունի միասլետի պսակ, որի ժապավենի ծայ-

Կրթական և գիտական գործունեության և հասարակական կյանքի (համեմատական) բաժանմունքները.

Կատարողները	Գ Ր Ա Մ Ն Ե Ր Ը								
	Առաջին մասնակցություն (Փայլեր)	Առաջին մասնակցություն (Գրականություն)	Երկրորդ մասնակցություն (Գրականություն)	Պատվավոր անդամ (Գրականություն)	Պատվավոր անդամ (Գրականություն)	Պատվավոր անդամ (Գրականություն)	Պատվավոր անդամ (Գրականություն)	Պատվավոր անդամ (Գրականություն)	Պատվավոր անդամ (Գրականություն)
Մ Ո Փ Ի									
Մանուկ, մ. թ. ա. մոտ 260 թ.	2	—	—	—	1	1	—	2	1
Արշամ I, մ. թ. ա. մոտ 240 թ.	—	1	1	1	—	—	—	4	—
Արշամ II, մ. թ. ա. մոտ 230 թ.	1	—	3	1	—	1	—	6	—
Քսենոֆոն, մ. թ. ա. մոտ 220 թ.	5	—	3	—	—	2	1	1	1
Արիստարխ, մ. թ. ա. մոտ 210 թ.	3	2	1	1	—	1	2	1	—
Ջարի, մ. թ. ա. մոտ 190 թ.	—	—	1	—	—	—	1	—	—
Նորիսիդ, մ. թ. ա. մոտ 150 թ.	—	—	—	—	—	—	1	—	—
Արտանես, մ. թ. ա. մոտ 110 թ.	—	—	—	—	—	—	—	—	—
Արշակ, մ. թ. ա. մոտ 90 թ.	—	—	—	—	—	—	1	—	—
Կ Ո Մ Մ ա զ Ե Ն Ե									
Պտղոմեոս, մ. թ. ա. մոտ 163 թ.	—	—	—	—	—	—	—	—	—
Միլիարխոս I Կալիստիկոս (96—70)	4	3	2	—	1	—	1	7	—
Անտիոքոս I Խենոս (60—34)	—	—	1	—	—	—	—	8	—

րերը հանդիմանալով են գլխավորում և ազատ արձակում իրեն և թիկունքին:

Ուշագրավ է, որ Սամեոս պատկերված է առանց մորուքի և ընդաքցի, արծվաբիթ, դեմքը զեպի աջ թևքով: Այդ նույն դրամի հակառակ կողմի վրա դիտվում է Դիոնիսի պաշտամունքի նշանը՝ Լերիու առաջնորդների միջև, ինչպես նաև հունարեն գրությունը միապետի անվան ու տիրույթների վերաբերյալ. ձախից՝ ΒΑΣΙΛΕΥΣ | ΣΑΜΟΥΨ աջից՝ ΘΕΟΣΤΕΒΟΥΣ || ΚΑΙΦΙ-ΚΑΙΟΥ: Հիշյալ պղնձե դրամի հմուշները տարբեր կշռային չափերով են՝ 4,15-ից մինչև 7,69 դրամ և ընդունված են որպես ատտիկական համակարգի երկբազկոսներ: Նույնանման մեղաբան գլխավորով, սակայն առանց ականջակալի, միայն վղկավորված և նույնպես անբեղ-անմորուս դեմքով (զեպի աջ), ոչ սրածայր, այլ լայնաունեզ ուղիղ թթով, որ բնորոշ էր հունական դիմաբանդակներին, պատկերված է Մոփրի հաջորդ զահակալը՝ Արսամեսը կամ ինչպես հայերենում է՝ Արշամ (I) թագավորը (մ. թ. ա. մոտ 240 թ.), կիսանդրու չափով: Այս երկրորդ զահակալի օրոք թողարկված դրամների վերաբերյալ Զ. Պտուկյանի լուսարանությունը հիմնա-

ված է մի կողմից պատկերների ձևավորման, այսու կողմից՝ պատմագիտության նորաշայտ տվյալների վրա:

Զ. Պտուկյանը գտնում է, որ Մոփրում հավանաբար զոյություն են ունեցել Արշամ անունով երկու թագավորներ: Դրանցից մեկը զահակալն է մ. թ. ա. մոտ. 240 թ., իսկ մյուսը՝ առաջինից տասը տարի անց: Հեղինակը օրինակալի է համարում, որ Արշամի անունով երկու թագաբաններ են գոյություն ունեցել՝ Արսամեսատը (Արշամաշատը) և Արսամեան (Արշամեան): Ըստ պատկերների դրամները զատված են միմյանցից և ամփոփվում երկու տարբեր խմբերի մեջ:

Առաջին խմբի (Արշամ I) դրամների վրա արայական պատկերները հարուստ են միմյանց և դրանց հակառակ կողմերին ներկայացված է արշավող ձիավորը (նիզակազեն), որի գլխավերևում երկու տողով՝ ΒΑΣΙΛΕΥΣ || ΑΡΣΜΟΥ տրձանագրությունն է պահպանված: Դրամագետը բացահայտել է, որ նեժյալ ռադմիկի դիմաց, ներառյալ առջևի ոտների տակ՝ վայր ընկած տեսքով պատկերված է մեկ ուրիշ մարդկային կերպարանը: Այդ կարգի դրամներից հիշատակվում են նաև մի քանի, դժբախտաբար մաշված, տարբերակներ: Սակայն հիմնական օրինակը (№ 2)՝

տիպային առումով միանգամայն ներդաշնակ է իր ժամանակին թողարկված դրամների բնորոշությունը: Նորութուն պիտի համարել նաև հեղինակի բացահայտած Մոփթի հայոց դրամների հաջորդ (երկրորդ) խումբը՝ վերագրված Արշամ II-ի գահակալության տարիներին (մ. թ. ա. մոտ 230 թ.): Դրանցից ներկայացված են տիպային չորս տարբերակներով, մեծ ու փոքր տրասագծային չափերի պղնձե դրամներ, որոնցից բոլորի առաջին կողմի վրա տրված է միապետի պատկերը (կիսանդրին), ղեմքով ղեպի աջ: Այս պատկերը որոշակիորեն տարբերվում է նրան նախորդող գահակալի (Արշամ I) պատկերից նախ և առաջ իր արքայական զլխարկի ձևով: Այս ղեպքում արդեն չկա նախկին վեղարածն, սատրապական ժամանակներին բնորոշ որածայր կատարով զլխարկը և դրա փոխարեն ներկայացված է մի գտակ, բոլորի ձևով, որի ճակատային մասի վրա ամրացված է արքայական պսակը, բավական լայնահիստ, քան անցյալներում այն նշվում էր: Հելլենիստական դիմաքանդակներին բնորոշ այս Արշամի (II) ղեմքը ևս ներկայացված է անմորուք և առանց ընկացքի, բայց առավել դիտելի են դարձված նրա վարսերը զլխանեում: Ըստ կերտվածքի արքայական դիմաքանդակների տարբերությունները, որպես տարբեր անհատականությունների պատկերներ, վերոհիշյալ Արշամներին վերագրված պղնձե դրամների վրա լրացնում են այդ նույն օրինակների հակառակ կողմերին դրոշմված սիմվոլների օգնությամբ: Ձևավորման հելլենիստական դարաշրջանին բնորոշ տարրերը հարազատորեն ներդաշնակվում են Մերձավոր Արևելքի, մասնավորապես բուն Մոփթի և Սիրիա-կոմմագենյան ոլորտի պատկերաքանդակների հետ: Արշավորդ հեծյալի պատկերը, ինչպես նաև նրա զրկիավերում նշված արքայի անվան երկտող հունարեն գրությամբ ձևը, որ մինչ այդ ընդունված էր ծովաց դրամների վրա, նույնպես նշում է կապը տեղական ավանդությունների հետ (պատկերներ №№ 2, 3, 5), թեև նոր խորհրդանշաններ են դրսևորված, որոնք բացակայում էին անցյալում: Այսպես, օրինակ, ողջ հասակով, հանգիստացած կանգնած, մերկամարմին, առնական, գուրզը ձեռքին մարդկային կերպարանը, որ հայոց մեջ առասպելական Վահագն էր կարծվում կամ հունաց մեջ՝ Հերակլես, կենտրոնական դիրք էր զբաղում դրամի վրա: Կենտրոնական այդ պատկերը փոխվում էր մերթ արծիվ, մերթ՝ երկվորյակներ հասկացողությունների հետ աղերս ունեցող նշաններով, որոնք առնչություններ ունեին սելևկյան պատկերազրույթյան հետ: Մոփթի մ. թ. ա. III դարի վերջերին Սելևկյանների ազդեցության ոլորտի մեջ էր: Նորություն էր նաև այն, որ արքայի անունը հիշատակվում էր կենտ-

րոնական պատկերների կողքերին՝ ձախից և աջից: Տիպային առումով հիշյալ երկու խմբի դրամները որոշակիորեն տարբեր են միմյանցից: Հեղինակը միանգամայն իրավացի է գնահատելու դրանց որպես նույնանուն, բայց տարբեր գահակալների դրամներ՝ գատելով դրանք իրարից Արշամ I (№№ 2—4) և Արշամ II (№№ 5—8) սահմանումներով:

Ձ. Պտուկյանի երախտիքը կայանում է նաև նրանում, որ նա Արշամներին վերագրած դրամները գիտական շրջանառության մեջ է մտցրել առաջին անգամ: Գտնել այդօրինակ վկայությունները բյուրավոր հին դրամների զանգվածում, քննել ու ըստ արժանվույն ներկայացնել դրանք գիտական հասարակայնությանը՝ մեծարժեք գործ է:

Մոփթի հայկական դրամների հաջորդ խումբը կազմում են այն պղնձե դրամները, որոնք թողարկվել են Քսերքսեսի գահակալության տարիներին, այսինքն՝ մ. թ. ա. մոտ. 220 թ.: Ի տարբերություն նախորդների, Քսերքսեսի դրամները դիցաբանական և արքայական պատկերների տվյալներով նորություններ չեն: Դրանց անցյալներում դասված լինելով Մոփթի թագավորության դրամների շարքը, նկարագրվել և հրատարակվել են Վիկտոր Լանգլուայի, Էռնեստ Բաբելոնի ու նրանց նախորդների կողմից: Սակայն Ձ. Պտուկյանը, հաշվի առնելով ժամանակագրական քննությունների նոր տվյալները, դրանց թողարկումը վերագրել է մ. թ. ա. III դարին, մոտ 220 թ.: Ելնելով Կ. Թումանովի հետազոտությունների արդյունքներից¹:

Քսերքսեսի մորուքավոր ղեմքը, նրա արքայական զլխարկի անգուգական ձևը (երկսայր ճեղքվածքով բացված կասարր) ճանաչելի են դառնում անմիջապես: Այդ դրամների հակառակ կողմի վրա պատկերված է հաղթանակի թևավոր դիցունու կամ ուղմի աստվածուհի Աթենասի կերպարանը (նստած, երբեմն՝ կանգնած դիրքով), որ խորհրդանշում է միապետության պաշտամունքային պաշտոնական դիմաքանդակի ուղիղ հակառակ կողմի կենտրոնում, ինչպես Արշամ II-ի օրոք էր, դրանք շարունակում էին ավանդաբար ուղեկցվել դահակալի անվան հու-

¹ E. Q. Visconti. Iconografia greca. Vol. II, Milan, 1824, p. 317—348, pl. XVI, № 1—8; V. Langlois. Numismatique de l'Arménie dans l'antiquité. Paris, 1859; E. Babelon. Les Rois de Syrie, d'Arménie et de Gommagene. Paris, 1890.

² C. Toumanoff. Studies in Christian Caucasian History. Washington, 1963.

նախն գրությունը աչից ΒΑΣΙΛΕΩΣ. Δε-ից՝ ΕΙΡΞΟΥ. Ըստ որում՝ ինչպես Արշամ II-ի ժամանակ՝ ուղղաձիգ վերնից ներքև իջնող տողով, Այդ ձևը ևս իր հերթին նշում է անցյալ կանոնի պահպանումը նոր թողարկման դրամի, այսինքն՝ Արշամ II-ի անմիջական հաջորդի՝ Մուսիսի թագավոր Փսերքսեսի դրամի վրա, նույն տիպի արքայական պատկերներով, մորուքավոր դեմքով, կիսանդրու շափով (ղեպի աջ) և նույն արքայական զինարկի ձևով դրամի վրա ներկայացված է Փսերքսեսի հաջորդի՝ Արդիստարեսու վերջինիս գահակալությունը Մուսիսում, ըստ հեղինակի, սկսվել է մ. թ. ա. մոտ 210 թ. Արդիստարեսի պատկերը նրա անատականությունն առումով որոշակի տարբերվում է Փսերքսեսից, Արդիստարեսը ներկայացված է համեմատաբար կանոնավոր դիմադերով, կարճամորուք և, որ կարևոր է, նրա դրամի հակառակ կողմի կենտրոնում պաշտոնունքի գաղափարը արտահայտված է արծվի պստկերով, Երկնքում բարձր ճախրելով՝ ընդունակ այդ թռչնի կերպարանքը բնութանք կենարար ուժ տվող արևի երկրպագության խորհրդանշան էր։ Արծվի պատկերով դրամների թողարկումը կատարվում էր նաև Սելևկյանների կողմից, որոնց ենթակա էր Մուսիսի թագավորը մինչև Մագնեսիայի ճակատամարտը (մ. թ. ա. 189 թ.)։ Սելևկյանների պարտությունից հետո Մուսիսի Ստրատոնի Զարիստարի կամ ինչպես հայերեն են ասում՝ Զարեհը, հաղթանակած հռոմեացիների կողմից ճանաչվել էր տեղի միասնաշինչի նաև, որ հենց այդ ժամանակ Մեծ Հայքում թագավոր էր հռոմեական Արտաշեսը։ Ստեղծվել էին միմյանցից անկախ երկու հայկական թագավորություններ՝ Մուսիսում Զարեհի գլխավորությամբ, իսկ Մեծ Հայքում՝ Արտաշեսի վերջինիս հետնորդների՝ Արտաշեսյան գահակալների պատկերները, բացառությամբ իրեն՝ միասնաշինչյան հիմնադիր Արտաշեսի և նրա հաջորդի՝ Արտավազդ I-ի, պահպանվել են դրամների վրա։ Իրեն կարևոր վկայություն, գրախոսվող աշխատության մեջ ներկայացված է նաև ուղեծն մի դրամ Զարեհ թագավորի պատկերով (№ 18), որում աղանձնի հաջողվել է պարզել, որ Զարեհ անունով և պատկերով տվյալ դրամը թողարկվել է ոչ ուրիշ, քան Մուսիսում, որի ողջ տարածքը մ. թ. ա. II դարի սկզբին եղել է այդ միասնաշինչի հսկողության ներքո։ Հենվելով Արտաշեսի իշխանությունից վրա, հեղինակը իրավացիորեն նշում է, որ սեղափնեզը թե՛ Գուլբում և թե՛ Մեծ Հայքում խոսում էին բոլորի համար ընդհանուր՝ հայերեն լեզվով։ Ավելի ուշ, Մագնեսիայի ճակատամարտից շուրջ հարյուր տարի անց՝ հիպրան Մեծի գործերը նվաճել էին Մուսիսը և Կոմմազենեն, որոնք և մասն էին Արտաշեսյանների գլխավորած համահայկական պետության

կամի մեջ։ Գրախոսվող աշխատությամբ շատ ամփոփա է Հարեհի վերադրված ուղեծն դրամի վրա պատկերված է արքայի կիսանդրին վերաբերյալ, առանց ականջակալի, միայն զգլխով, առեղ և անմորուք, դեմքով ղեպի աջ թեքված։ Միասնաշինչի հակառակ կողմ էն նրա գանգուր վարձերի փնջերը։ Այդ էության դրամի հակառակ կողմի կենտրոնում պատկերված է դիցուհի (Անահիտը), հանդիպահալաց տեսքով, աջ ձեռքը վերև բարձրացրած, զարդերի մոտ երկու սֆինքսներ՝ կոնակ-կոնակի դիրքով գետնին նստած, շուրջը հունարեն գրված է. աչից՝ ΑΝΙΣΑ || ΔΩ. Δε-ից՝ [ΔΣ] ΑΡΙ. Ե այդ ողջ պատկերը վերցված է կետավոր շրջանակի մեջ։ Բրիտանական թանգարանում (բաշր՝ 5.42 գ) և Բեռլինի թանգարանում մեկական արխաններով պահվող այդ դրամի նմուշները մաշվածության և փոքր տրամագծային չափի (17 մմ) պատճառով զորախտաբար գուրկ են իրենց նախնական վիճակի հաստակությունից։

Մուսիսի դրամների շարքին է դասված նաև Մուսիսի անունով արքայի ուղեծն դրամը (մ. թ. ա. մոտ. 150 թ.), որի միակ նմուշը պահվում է Բեռլինի թանգարանում։ Ցավոք, դրամի պատկերը դուրս է մնացել աշխատության մեջ գետնից՝ պատկերների շարքից։ Այդ բազր մեզ գրուկում է իրողությունը գնահատելու հնարավորությունից։ Ինչ վերաբերում է Մուսիսի վերջին գահակալներին՝ Արտաշեսին (մ. թ. ա. մոտ 110 թ.) և Արշակին (մ. թ. ա. մոտ 90 թ.), ապա դրանց պատկանող դրամները մնում են անհայտ։ Համեմատյան ղեպս առաջիկայում, էթն գտնվեն Մուսիսի աշխարհի դրամներից նոր արխաններ, հրեարամոր կրտսեղ գատել այդ մասին։

Փարիզի ազգային մատենադարանի հին դրամների շարքում առկա է դարձել ... ΑΒΑΝΟΥ և աշխատանքադրությամբ ուղեծն մի դրամ ևս, որը կարող էր լինել ΑΡΤΑΒΑΝΕΣ արքայի դրամը։ Բացառված չէ նաև, որ Պետական էրմիտաժում պահվող ΒΑΣΙΛΕΩΣ || ΑΡΤΑΒΑΝΟΥ երկտող գրությամբ, Հայաստանին վերադրված դրամը թողարկված լինի Մուսիսում, ուր Արշակը կառավարիչ էր կարգված՝ արդեն հիպրան Մեծի գահակալության տարիներին։ Այդ և այլ հարցեր մնում են անորոշ՝ կախված Մուսիսի գրամների նոր հայտնություններից։

Քննելով Կոմմազենների դրամները, որոնք թողարկվել են Մուսիսից անկախ լինելու ժամանակ-

³ G. Le Rider. Monnaies grecques acquises par le Cabinet des Medailles en 1959. — RN. Paris, 1959—1960, № 28, p. 21.

⁴ Պետական էրմիտաժ, դրամագիտության բաժին, ան ռիկ շրջանի դրամների շարք, № 19401:

ներում, հեղինակը ներկայացրել է նախ և առաջ Միհրդատ Կալլիսիկոսի (96—70) պղնձե դրամները, որոնք ըստ կշռային չափերի ստորաբաժանված են Լերկու խմբի՝ համեմատաբար թեթև ու ծանր միավորների՝ քաղկոսների (3,35—4,53 գ) և Երկբաղկոսների (5,30—8,47 գ)։ Միհրդատ Կալլիսիկոսը պատկերված է վեղարածե, սրածայր կատար ունեցող գլխարկով, որի ճակատին ամրացված է արքայական պսակը։ Վերջինիս ժապավենը հանգուցված է արքայի գլխատետևում, իսկ ժապավենի ծայրերը հերարձակ իջել են թիկունքին։ Դիցարանական բնույթի պատկերները դրոշմված են դրամի կենտրոնական մասում (Աթենաս, թևավոր ձի, դափնեճյուղ և այլն)։ Այդ պատկերների կողքերին (ձախից և աջից) նշված են միապետի, տվյալ դեպքում՝ Միհրդատի անվան ու տիտղոսի հունարեն դրությունները։ Ուշագրավ է, որ արքայական զրուխարկը իր ձևով հիշեցնում է արեմենյան ժամանակներից մնացած սատրապական (փոխարքայական) գլխարկի ձևը, մինչդեռ մնացած (դիցական) պատկերները արտացոլում են առնչությունները հելլենիստական մշակույթի սելևկյան շրջանների հետ։ Կոմմագենեի դրամների պատկերատիպը նկատելիորեն փոխվում է ուշ հելլենիստական ժամանակներում։ Անտիոքոս I Թեոսի օրոք (60—34) միապետը դրամների վրա

պատկերված է հայկական թագով, հար և նման Տիգրան II-ի պատկերին, մի ձևավորություն, որ ընդհանուր էր ողջ Հայաստանի համար։ Սակայն ներկայացված է նաև Անտիոքոս I Թեոսի անունով, բայց ոչ հայկական թագով մեկ ուրիշ պղնձե դրամ։ Ուշագրավ է, որ հայկական Կոմմագենեի միապետի գլխին հայկական թագի բացակայությունը չի մթ և տվել ենթադրելու, որ հռոմեական նվաճումները Հայկական լեռնաշխարհի հարավ-արևմտյան մասում, Պոմպեոսի արշավանքների ժամանակ, ինչպես նաև Արտաշեսյանների թուլացումը Տիգրան Մեծի գահակալության վերջին շրջանում, պայմանավորել էին նոր ձևերի դրսևորումները Մեծ Հայքի ու Կոմմագենեի դրամագործության մեջ։ Դրանք նշում են անցյալներում եղած ընդհանրությունների խզումը, որ կար Տիգրան Մեծի օրոք։ Այդ է արտացոլում Կոմմագենեի պղնձե դրամի պատկերատիպը՝ թողարկված Անտիոքոս I Թեոսի (60—34) անունով (№ 26)։

Ամփոփելով, կարող ենք ընդգծել, որ դրամագետ Ջարեհ Պտուկյանի քննությամբ բացահայտվել են Մոսկոյի ու Կոմմագենեի հայկական թագավորությունների դրամները՝ թողարկված ներքոհիշյալ զահակալների պատկերներով, նրանց անունների հունարեն գրություններով և պաշտամունքին վերաբերող նշաններով։

Մ Ո Փ Ք

Սամես	մ. թ. ա. մոտ 260 թ. պղնձե դրամներ
Արշամ I	» » 240 » » »
Արշամ II	» » 230 » » »
Քսերքսես	» » 220 » » »
Արգիստարես	» » 210 » » »
Ջարեհ	» » 190 » » »
Մորվիլիպոս	» » 150 » » »

Կ Ո Մ Մ Ա Գ Ե Ն Ե

Միհրդատ Կալլիսիկոս	մ. թ. ա. մոտ 163 թ. պղնձե դրամներ
Անտիոքոս I Թեոս	» » 60—34 թ. » »

Բացառությամբ Մոսկոյի Արտանես (մ. թ. ա. մոտ 110 թ.) և Արշակ (մ. թ. ա. մոտ 90—69 թթ.), ինչպես նաև Կոմմագենեի Պտղոմայոս (մ. թ. ա. մոտ 163 թ.) թագավորների դրամներին, որոնց գոյությունը մնում է դեռևս անհայտ, բոլոր մնացյալ միապետների դրամները ներկայացված են հստակ դասավորությամբ։

Ձ. Պտուկյանի այս նոր աշխատությունը դասելի է հին Հայաստանի, մասնավորապես Մոսկոյի և Կոմմագենեի հելլենիստական շրջանի նյութական մշակույթի պատմությանը նվիրված մեծար-

ժեք քննությունների շարքը։ Այն հնարավորություն է ընձեռում առաջիկայում ընդարձակելու հետազոտությունների ասպարեզը և, ի լրացումն կատարվածի, պարզելու Մոսկոյի ու Կոմմագենեի դրամների պատկերագրության, ժամանակագրության, նրանց տարածման, կշռային համակարգի ու այլ հարցերի մասին ցարդ եղած անորոշությունները։

Պատմ. գիտ. դոկտոր Խ. Ա. ՄՈՒՇԵՂՅԱՆ